



Godina XIII – Broj 4

Srijeda, 15. februar 2012. godine  
BR^KO

Bosanski jezik

**23**

Pravosudna komisija Brčko distrikta Bosne i Hercegovine, na osnovu člana 14 stava 1 tačke u) Zakona o Pravosudnoj komisiji Brčko distrikta BiH (Službeni glasnik Brčko distrikta BiH, brojevi 19/07, 20/07 i 2/08) i člana 60 Zakona o izvršenju krivičnih sankcija, pritvora i drugih mjera Brčko distrikta BiH (Službeni glasnik Brčko distrikta BiH, broj 31/11), na sjednici održanoj 31. 1. 2012. godine usvojila je

**P R A V I L N I K  
O VRSTI I USLOVIMA RADA ZA OPĆE DOBRO NA  
SLOBODI****I – OPĆE ODREDBE****Član 1****(Predmet ovog pravilnika)**

- (1) Ovim pravilnikom utvrđuju se vrste i uslovi za izvršenje krivične sankcije raspoređivanja na rad za opće dobro na slobodi, koja predstavlja posebnu krivičnopravnu mjeru, odnosno mjeru iz kategorije alternativnih krivičnih sankcija, koju u zakonom predviđenom postupku izreknu sudovi Brčko distrikta Bosne i Hercegovine, Sud Bosne i Hercegovine, inostrani sud za djela predviđena krivičnim zakonodavstvom Bosne i Hercegovine ili je to predviđeno Međunarodnim ugovorom, kao i na zahtjev osuđenog lica ako mu je ta sankcija izrečena u entitetskim sudovima za djela predviđena Krivičnim zakonom Bosne i Hercegovine.
- (2) Raspoređivanje na rad za opće dobro na slobodi, izvršava Pravosudna komisija Brčko distrikta Bosne i Hercegovine (u daljnjem tekstu: Pravosudna komisija).

**Član 2****(Izricanje rada za opće dobro na slobodi)**

- (1) Kad sud odmjeri i izrekne kaznu zatvora do jedne godine, istovremeno može odrediti da se izrečena kazna, uz pristanak optuženog, zamijeni radom za opće dobro na slobodi.
- (2) Odluka da se kazna zatvora zamijeni radom za opće dobro na slobodi zasniva se na ocjeni da, uzimajući u obzir sve okolnosti koje određuju vrstu i raspon kazne, izvršenje kazne zatvora ne bi bilo neophodno za ostvarenje svrhe kažnjavanja, ali istovremeno uslovna kazna ne bi bila dovoljna za postizanje opće svrhe krivičnopravne sankcije.

**Član 3****(Trajanje rada za opće dobro na slobodi)**

- (1) Rad za opće dobro na slobodi određuje se u trajanju srazmjerno izrečenoj kazni zatvora od najmanje deset do najviše devedeset radnih dana. Rok izvršenja rada za opće

dobro ne može biti kraći od jednog mjeseca niti duži od jedne godine.

- (2) Pod radnim danom podrazumijeva se osmosatno radno vrijeme, odnosno sedmično radno vrijeme lica raspoređenog na rad za opće dobro na slobodi i iznosi 40 sati, a raspoređuje se na najmanje pet radnih dana.
- (3) Lica koja rade puno radno vrijeme po osnovu navedene krivičnopravne mjere, imaju pravo na odmor u toku radnog dana u trajanju od 30 minuta.

**Član 4****(Odmjeravanje trajanja rada za opće dobro na slobodi)**

Odmjeravajući trajanje rada za opće dobro na slobodi kao i rok izvršenja tog rada, sud će uzeti u obzir izrečenu kaznu zatvora koja se zamjenjuje i mogućnosti učinioca u pogledu njegove lične situacije i zaposlenja.

**Član 5****(Odluka o izvršenju kazne zatvora)**

U slučaju kada osuđeni po isteku određenog roka, nije izvršio ili je samo djelimično izvršio rad za opće dobro na slobodi, sud će donijeti odluku o izvršenju kazne zatvora u trajanju srazmjernom vremenu preostalog rada za opće dobro na slobodi.

**Član 6****(Zamjena kazne zatvora radom za opće dobro na slobodi)**

Zamjena kazne zatvora radom za opće dobro na slobodi može se primijeniti i u slučajevima kada se odlukom suda novčana kazna zamjenjuje kaznom zatvora, shodno članu 44 Krivičnog zakona Brčko distrikta Bosne i Hercegovine.

**Član 7****(Uslovi za izvršenje rada za opće dobro na slobodi)**

- (1) Izvršavanje rada za opće dobro na slobodi prema osuđeniku započinje nakon pravosnažnosti sudske presude.
- (2) Rad za opće dobro na slobodi izvršava se u mjestu prebivališta, odnosno boravišta osuđenika.
- (3) Rok za upućivanje osuđenika na izvršavanje rada za opće dobro na slobodi ne može biti kraći od jednog mjeseca ni duži od jedne godine od dana dostavljanja presude Pravosudnoj komisiji.
- (4) Osuđenik ne snosi troškove izvršavanja rada za opće dobro na slobodi niti plaća takse na podneske, službene radnje i odluke u vezi s primjenom ovoga pravilnika.
- (5) Rad za opće dobro na slobodi je besplatan i ne služi postizanju dobiti.

**Član 8****(Svrha izvršenja rada za opće dobro na slobodi)**

Svrha izvršavanja rada za opće dobro na slobodi je da se, uvažavajući opću svrhu krivičnopravnih sankcija, osuđenik kojem je, pod određenim uslovima i obavezama, ograničena sloboda, ne isključi iz društva, već da, uz pomoć i nadzor društvene zajednice, dobrovoljno ličnim postupcima, radom i odnosom prema posljedicama izazvanim počinjenim djelom razvije svijest o štetnosti određenih ponašanja i odgovornosti za štetne posljedice.

#### **Član 9 (Dužnost saradnje)**

Organi Distrikta, državni organi, ustanove i druga pravna lica dužni su saradivati s Pravosudnom komisijom, u izvršavanju rada za opće dobro na slobodi, kad to Pravosudna komisija od njih zatraži.

#### **Član 10 (Organi, ustanove i pravna lica u kojima se obavlja rad za opće dobro na slobodi)**

- (1) Rad za opće dobro na slobodi, može se obavljati u organima Distrikta, državnim organima, ustanovama i drugim pravnim licima (u daljnjem tekstu: poslodavac), koje obavljaju djelatnost u okviru koje se može ostvariti opća svrha kažnjavanja izvršavanja krivičnopravnih sankcija i posebna svrha izvršenja rada za opće dobro na slobodi.
- (2) Djelatnost poslodavca treba biti humanitarna, ekološka, komunalna, uslužna, kao i svaka druga djelatnost za koju Pravosudna komisija smatra da se sa istom može postići opća svrha izvršavanja, kao i posebna svrha izvršavanja navedene krivične sankcije.

#### **Član 11 (Poslovi na kojima se obavlja rad za opće dobro na slobodi u državnim organima)**

- (1) Poslovi na kojima se obavlja rad za opće dobro na slobodi u državnim organima mogu biti:
  - a) administrativno-tehnički,
  - b) operativno-tehnički i
  - c) pomoćni poslovi.

#### **Član 12 (Poslovi na kojima se obavlja rad za opće dobro u ustanovama)**

Poslovi na kojima se obavlja djelatnost u ustanovama mogu biti pomoćni i administrativno-tehnički poslovi u javnim ustanovama čiji je osnivač Vijeće ministara Bosne i Hercegovine, Federacija BiH, Republika Srpska, Brčko distrikt BiH, kantoni Federacije BiH ili u ustanovama u kojima su navedeni organi povjerali javna ovlaštenja, općine, kao i u drugim ustanovama u fizičkoj kulturi, kulturi, obrazovanju, nauci, zdravstvu, dječijoj zaštiti, socijalnoj zaštiti i socijalnoj sigurnosti.

#### **Član 13 (Poslovi na kojima se obavlja rad za opće dobro na slobodi u drugim pravnim licima)**

Poslovi na kojima se obavlja djelatnost u drugim pravnim licima mogu biti poslovi nekvalifikovanog do visokokvalifikovanog radnika, odnosno pomoćni i administrativno-tehnički poslovi u javnim preduzećima čiji su osnivači organi iz člana 12 ovog pravilnika, preduzećima, firmama, kao i drugim pravnim licima ili udruženjima.

#### **Član 14 (Rad za opće dobro na slobodi kod poslodavca kod koga je osuđenik radio)**

Poslovi kod poslodavca kod kojeg je osuđenik do tada bio u radnom odnosu mogu biti isti poslovi na kojima je osuđenik do tada radio ili drugi poslovi, osim ukoliko je osuđeniku izrečena mjera zabrane vršenja poziva, djelatnosti ili dužnosti, koja se odnosi na predmetne poslove.

- #### **Član 15 (Raspoređivanje na rad za opće dobro na slobodi)**
- (1) Pravosudna komisija raspoređuje osuđenike na rad za opće dobro na slobodi, određuje vrstu posla i radno mjesto na kojem će se obavljati rad za opće dobro na slobodi, vodeći računa o sposobnostima i znanjima osuđenog lica.

- (2) Pravosudna komisija neposredno preduzima mjere za poboljšanje izvršavanja rada za opće dobro na slobodi, pruža stručnu pomoć, prikuplja i obrađuje statističke podatke, te obavlja i druge poslove propisane ovim pravilnikom i drugim propisima.
- (3) Pravosudna komisija saraduje s drugim državnim organima, naučnim i drugim ustanovama, strukovnim udruženjima, drugim pravnim licima i pojedincima, radi poboljšavanja uslova izvršavanja rada za opće dobro na slobodi i pomoći osuđenima.
- (4) Pravosudna komisija, kad je to u javnom interesu ili kad to nađe za potrebno, radi upoznavanja javnosti, obavještava javnost o uslovima i stanju izvršavanja rada za opće dobro na slobodi, radi uključivanja društvene zajednice u postupke izvršavanja.

## **II – NAČELA IZVRŠAVANJA RADA ZA OPĆE DOBRO NA SLOBODI**

### **Član 16 (Opća načela izvršavanja rada za opće dobro na slobodi)**

- (1) Rad za opće dobro na slobodi izvršava se na način koji osuđeniku i njegovoj porodici jamči poštovanje ljudskog dostojanstva, osnovnih prava i sloboda i privatnosti.
- (2) Zabranjuje se diskriminacija zasnovana na rasi, boji kože, spolu, jeziku, religiji ili vjerovanju, političkim ili drugim uvjerenjima, nacionalnom i socijalnom porijeklu.
- (3) Osuđenik, koji je bio podvrgnut nezakonitom postupanju ili diskriminaciji iz stava 2 ovoga člana, ima pravo na naknadu štete.

### **Član 17 (Program rada za opće dobro na slobodi)**

- (1) Rad za opće dobro na slobodi izvršava se prema pojedinačnom programu izvršavanja, u skladu s ovim pravilnikom.
- (2) Pojedinačni program iz stava 1 ovog člana utvrđuje službenik Pravosudne komisije i povjerenik za svakog osuđenika, a na osnovu osobina ličnosti, ličnih prilika, zdravstvenog stanja, zaposlenja, sposobnosti i stručnosti osuđenika.

## **III – ORGANI, OSOBE I NAČIN IZVRŠAVANJA RADA ZA OPĆE DOBRO NA SLOBODI**

### **Član 18 (Nadležnost Pravosudne komisije)**

- (1) Pravosudna komisija izvršava pravosnažnu presudu o zamjeni kazne zatvora radom za opće dobro na slobodi, putem službenika Pravosudne komisije i povjerenika.
- (2) Povjerenik je zaposlenik pravnog lica kod kojeg se obavlja rad za opće dobro na slobodi (u daljnjem tekstu: povjerenik), kojeg na prijedlog rukovodioca tog pravnog lica, rješenjem imenuje predsjednik Pravosudne komisije i koji obavlja neposredni nadzor nad izvršavanjem rada za opće dobro na slobodi.
- (3) Službenik Pravosudne komisije iz stava 1 ovog člana i povjerenik može biti lice koje ima završenu visoku stručnu spremu, radno iskustvo u trajanju od najmanje tri godine i primjerene ljudske osobine koje mogu biti uzor ponašanja osuđenika.
- (4) Izuzetno, povjerenik ne mora imati visoku stručnu spremu, ukoliko u tom pravnom licu nema odgovarajućih zaposlenika visoke stručne spreme.
- (5) Pravosudna komisija vodi evidenciju povjerenika.
- (6) Za svoj rad, službenik Pravosudne komisije i povjerenik su odgovorni predsjedniku Pravosudne komisije.

### **Član 19 (Organizovanje obuke)**

- (1) Pravosudna komisija organizuje obuku, radi osposobljavanja povjerenika i upoznavanja sa njihovim pravima i obavezama.
- (2) U organizovanju obuke povjerenika, Pravosudna komisija može zatražiti pomoć od odjeljenja Vlade Brčko distrikta BiH i ministarstava nadležnih za zdravstvo, rad i socijalnu zaštitu, obrazovanje i sport, a po potrebi i drugih državnih organa, ustanova, udruženja i pojedinih stručnjaka (socijalni radnik, pedagog, psiholog i sl.).
- (3) Predsjednik Pravosudne komisije donosi Pravilnik o načinu rada, odgovornosti, obučavanju i evidenciji povjerenika.

#### **IV – IZVRŠAVANJE RADA ZA OPĆE DOBRO NA SLOBODI**

##### **Član 20**

##### **(Zaključenje ugovora i izvršenje rada za opće dobro na slobodi)**

- (1) Djelatnost u okviru koje se obavlja rad za opće dobro na slobodi mora odgovarati općoj svrsi krivičnopravnih sankcija i posebnom cilju ovoga rada.
- (2) Rad za opće dobro na slobodi može se izvršavati kod poslodavca kod kojeg je osuđenik do tada bio u radnom odnosu, ukoliko je s tim saglasan poslodavac i osuđenik, osim ukoliko je osuđeniku izrečena mjera zabrane vršenja poziva, djelatnosti ili dužnosti, koja se odnosi na predmetne poslove.
- (3) Predsjednik Pravosudne komisije zaključuje ugovore s državnim organima, ustanovama, poslodavcima iz prethodnog stava i drugim pravnim licima o postojanju zajedničkog interesa za izvršavanje rada za opće dobro na slobodi i upućivanju osuđenika na rad za opće dobro na slobodi.
- (4) Ugovor iz prethodnog stava ovoga člana sadrži opis djelatnosti poslodavca, vrste poslova na kojima osuđenik može izvršavati rad za opće dobro na slobodi mjesto izvršavanja rada za opće dobro na slobodi, spisak lica koja mogu biti imenovana za povjerenike, vrijeme trajanja ugovora, uslovi pod kojima se može raskinuti ugovor, prava i obaveze Pravosudne komisije i poslodavca i druga pitanja od značaja za izvršavanje rada za opće dobro na slobodi.
- (5) Pravosudna komisija vodi evidenciju poslodavaca s kojima su zaključeni ugovori iz stava 3 ovog člana i popis radnih mjesta.

##### **Član 21**

##### **(Rješenje o raspoređivanju na rad za opće dobro na slobodi)**

- (1) Pravosudna komisija donosi rješenje o raspoređivanju na rad osuđenika i rješenje o imenovanju povjerenika u roku od 15 dana od prijema pravosnažne presude.
- (2) Osuđenik se rješenjem raspoređuje na rad na raspoloživo radno mjesto, u skladu s odredbama ovog pravilnika.
- (3) Prije donošenja rješenja o raspoređivanju na rad za opće dobro na slobodi, Pravosudna komisija upućuje osuđenika na ljekarski pregled, radi utvrđivanja zdravstvene sposobnosti za obavljanje poslova na koje se raspoređuje.
- (4) Rješenjem iz stava 1 ovog člana, u dogovoru s poslodavcem, određuje se početak, raspored i završetak izvršavanja rada za opće dobro na slobodi.
- (5) Vrijeme izvršavanja rada za opće dobro na slobodi, zavisno od potrebe, vrste i mjesta rada, po prijedlogu osuđenika, može se, izmjenom rješenja, prilagoditi potrebama osuđenika.
- (6) Pravosudna komisija obavještava sud koji je donio presudu o početku izvršavanja rada za opće dobro na slobodi.

##### **Član 22**

##### **(Prava i obaveze povjerenika)**

- (1) Rješenjem o imenovanju povjerenika određuje se prava i obaveze povjerenika, period za koji se povjerenik imenuje, ime i prezime osuđenika kojeg nadzire u obavljanju rada za opće dobro na slobodi i utvrđuje naknadu za obavljanje poslova povjerenika.

- (2) Pravosudna komisija donosi Pravilnik o mjerilima za utvrđivanje naknade povjerenicima.

##### **Član 23**

##### **(Radno vrijeme osuđenika)**

- (1) Na radno vrijeme osuđenika, odmor u toku rada, dnevni i sedmični odmor, te upotrebu sredstava zaštite na radu, primjenjuju se opći propisi, odnosno akti poslodavca.
- (2) Poslodavac osigurava osuđenike od nezgoda na poslu i profesionalnih oboljenja, za vrijeme rada za opće dobro na slobodi.
- (3) Osuđenik je odgovoran za štetu koju, za vrijeme rada za opće dobro na slobodi, namjerno ili grubom nepažnjom prouzrokuje poslodavcu.

##### **Član 24**

##### **(Odgajanje ili prekidanje rada za opće dobro na slobodi)**

- (1) Izvršavanje rada za opće dobro na slobodi može biti odgođeno ili prekinuto na molbu osuđenika, njegovog branioca ili Centra za socijalni rad.
- (2) Molba se podnosi Pravosudnoj komisiji. U molbi se moraju navesti razlozi i dokazi o činjenicama koje opravdavaju odgađanje ili prekid pod okolnostima iz člana 25 stava 1 ovog pravilnika.
- (3) Molba za odgodu izvršavanja rada za opće dobro na slobodi može se podnijeti u roku od tri dana od dostavljanja rješenja o rasporedu na rad za opće dobro na slobodi, a nakon protoka tog roka, ako su razlozi za odgodu nastali kasnije, a izvršavanje rada za opće dobro na slobodi još nije započeto, ali ne kasnije od četrdeset osam sati po saznanju za njihovo postojanje.
- (4) Molba zadržava izvršavanje rješenja o radu za opće dobro na slobodi.
- (5) Molba za prekid izvršavanja rada za opće dobro može se podnijeti u roku od dvadeset četiri sata od nastupanja okolnosti koja je razlog za prekid.
- (6) Molba zadržava izvršavanje rješenja o rasporedu na rad za opće dobro na slobodi.
- (7) Rješenje o odgodi, odnosno rješenje o prekidu izvršavanja rada za opće dobro na slobodi donosi predsjednik Pravosudne komisije, u roku od tri dana od prijema molbe.
- (8) Protiv rješenja iz prethodnog stava osuđeni ima pravo na žalbu u roku od 3 (tri) dana, o kojoj odlučuje Pravosudna komisija.

##### **Član 25**

##### **(Razlozi za odgađanje i prekid rada za opće dobro na slobodi)**

- (1) Razlozi za odgodu ili prekid izvršavanja rada za opće dobro na slobodi su:
  - a) iznenadno oboljenje osuđenika,
  - b) smrtni slučaj, teška bolest ili nastupanje okolnosti u kojima je, prema mišljenju Centra za socijalni rad, osuđenik postao jedini obavezni osiguravatelj brige o maloljetnoj djeci, bračnom ili vanbračnom drugu, roditelju, usvojitelju ili usvojeniku,
  - c) potreba obavljanja ili dovršenja radova izazvanih elementarnom nepogodom ili drugom nesrećom, zbog čijeg neobavljanja bi nastala znatna materijalna šteta, a u užoj porodici osuđenika nema druge radno sposobne osobe.
- (2) Osim u slučajevima iz prethodnog stava, Pravosudna komisija može, izuzetno i u drugim opravdanim slučajevima, prekinuti izvršavanje rada za opće dobro na slobodi, ali ne na period duži od perioda utvrđenog u stavu 4 ovog člana.
- (3) Postojanje razloga iz stavova 1 i 2 ovog člana, osuđenik dokazuje odgovarajućom potvrdom ili drugom ispravom.
- (4) Izvršavanje rada za opće dobro na slobodi iz razloga iz stava 1 tačke a) ovoga člana može se odgoditi ili prekinuti dok bolest traje, zbog razloga iz tačke b) najduže do dvadeset dana, zbog razloga iz tačke c) do dovršetka posla, a najduže do dvadeset dana, a u slučaju iz stava 2 ovoga člana najduže do tri dana.

- (5) Ponovljena odgađanja izvršavanja rada za opće dobro na slobodi ne mogu trajati ukupno duže od šest mjeseci.
- (6) U slučaju ponovljenog odgađanja izvršenja rada za opće dobro na slobodi zbog bolesti osuđenika, koja traje duže od šest mjeseci, Pravosudna komisija o tome obavještava sud koji je izrekao presudu, koji donosi odluku o daljnjem izvršavanju presude.
- (7) Ponovljeni prekidi izvršavanja rada za opće dobro na slobodi ne mogu trajati duže od trideset dana.
- (8) U slučaju ponovljenog prekida izvršenja rada za opće dobro na slobodi zbog bolesti osuđenika, koja traje duže od trideset dana, Pravosudna komisija o tome obavještava sud koji je izrekao presudu, koji donosi odluku o daljnjem izvršavanju presude.
- (9) Na odgodu vojnim obveznicima shodno se primjenjuju odredbe zakona kojim se reguliše odgoda izvršavanja kazne zatvora vojnim obveznicima.
- (10) Odgoda i prekid izvršenja rada za opće dobro na slobodi ne može se odobriti ako će zbog odgode ili prekida izvršenja nastupiti zastarjelost izvršenja rada za opće dobro na slobodi.

#### Član 26

##### (Upoznavanje s pravima i dužnostima u toku rada za opće dobro na slobodi)

- (1) Prilikom upućivanja osuđenika na rad za opće dobro na slobodi, službenik Pravosudne komisije upoznaje osuđenika s pravima i dužnostima u toku izvršavanja rada za opće dobro na slobodi, načinom na koji može ostvarivati svoja prava i posljedicama neurednog izvršavanja ili neizvršavanja rada za opće dobro na slobodi.
- (2) Povjerenik je dužan osuđenika uvesti u posao, pružiti mu potrebnu pomoć i zaštitu, te u saradnji sa službenikom Pravosudne komisije, nadgledati ispunjenje obaveze rada za opće dobro na slobodi.
- (3) Službenik Pravosudne komisije može povjereniku davati bliža uputstva i određivati uslove za izvršavanje rada za opće dobro na slobodi.
- (4) Službenik Pravosudne komisije dužan je najmanje jednom u deset dana, izvršiti lični uvid u izvršenje rada za opće dobro na slobodi i o tome unijeti zabilješku u lični list osuđenika.

#### Član 27

##### (Matična knjiga i lični list osuđenika)

- (1) U Pravosudnoj komisiji vodi se matična knjiga osuđenika i lični list osuđenika.
- (2) Povjerenik vodi lični list za svakog osuđenika nad kojim vrši nadzor (kontrolu).
- (3) Uputstvo o matičnoj knjizi osuđenika i ličnom listu donosi predsjednik Pravosudne komisije.

#### Član 28

##### (Sadržaj matične knjige osuđenika)

Matična knjiga osuđenika sadrži lične podatke o osuđeniku, podatke o sudskoj presudi, o vremenu i mjestu izvršavanja rada za opće dobro na slobodi, podatke iz zaključnog izvještaja o obavljenom radu za opće dobro na slobodi i druge podatke, u skladu sa Uputstvom o matičnoj knjizi osuđenika.

#### Član 29

##### (Lični list osuđenika i njegov sadržaj)

- (1) Za svakog osuđenika u Pravosudnoj komisiji vodi se lični list.
- (2) U lični list se upisuju podaci o osuđeniku i ulaže dokumentacija potrebna za praćenje zakonitosti izvršavanja rada za opće dobro na slobodi, a posebno:
  - a) presuda,
  - b) rješenje o raspoređivanju na rad za opće dobro na slobodi i druge odluke koje se odnose na rad za opće dobro na slobodi i njegovo izvršavanje,
  - c) program izvršavanja i njegove izmjene,
  - d) zabilješke o zapažanjima i mišljenjima službenika Pravosudne komisije i povjerenika,

- e) obavještenja povjerenika o izvršavanju, odnosno zanemarivanju izvršavanja rada za opće dobro na slobodi,
- f) izvještaj povjerenika o završenom radu za opće dobro na slobodi,
- g) zaključni izvještaj o obavljenom radu za opće dobro na slobodi.

- (3) Povjerenik vodi lični list za svakog osuđenika, u koji upisuje podatke i ulaže dokumentaciju potrebnu za praćenje izvršavanja rada za opće dobro na slobodi, a posebno:
  - a) rješenje o raspoređivanju na rad za opće dobro na slobodi,
  - b) program izvršavanja i njegove izmjene,
  - c) zapažanja i mišljenja povjerenika,
  - d) izvještaj o radu i ponašanju osuđenika,
  - e) izvještaj o završetku rada za opće dobro na slobodi.
- (4) Osuđenik ima pravo uvida u sve podatke iz ličnog lista.

#### Član 30

##### (Izvještaj o radu i ponašanju osuđenika)

- (1) O radu i ponašanju osuđenika, povjerenik podnosi izvještaj Pravosudnoj komisiji.
- (2) Izvještaj se podnosi nakon svake trećine izvršenog rada, a po potrebi i češće.
- (3) O zanemarivanju obaveze rada za opće dobro na slobodi, povjerenik, bez odlaganja, obavještava Pravosudnu komisiju.
- (4) Nakon izvršenja rada za opće dobro na slobodi, povjerenik podnosi Pravosudnoj komisiji izvještaj o završenom radu za opće dobro na slobodi.
- (5) Na osnovu izvještaja povjerenika o završenom radu za opće dobro na slobodi, Pravosudna komisija sačinjava zaključni izvještaj o obavljenom radu za opće dobro na slobodi i dostavlja ga sudu koji je izrekao presudu.

#### Član 31

##### (Zanemarivanje obaveza iz rada za opće dobro na slobodi)

- (1) Zanemarivanjem obaveze rada za opće dobro na slobodi smatra se kašnjenje na rad, neopravdano izostajanje s rada, napuštanje rada i namjerno dovođenje sebe u stanje umanjene radne sposobnosti, namjerno oštećenje sredstava za rad, nepoštivanje organizacije i načina rada, ponašanje i odnosi sa zaposlenicima poslodavca ili korisnicima rada koji ne doprinose ostvarenju posebnog cilja tog rada.
- (2) U slučaju iz stava 1 ovoga člana, povjerenik, bez odlaganja, obavještava Pravosudnu komisiju.
- (3) U slučaju ponovljenog zanemarivanja obaveze rada za opće dobro na slobodi, poslodavac može raskinuti ugovor iz člana 20 stava 5 ovog pravilnika, pod uslovima utvrđenim ugovorom.
- (4) Poslodavac je dužan pismeno i bez odlaganja, obavijestiti Pravosudnu komisiju o namjeri raskidanja ugovora, a Pravosudna komisija o tome obavještava sud koji je donio odluku o zamjeni kazne zatvora radom za opće dobro na slobodi.
- (5) Ukoliko sud, u roku od 15 dana od dana prijema obavijesti o raskidu ugovora, ne odluči da osuđenika vrati na izdržavanje kazne zatvora, Pravosudna komisija obavezna je osuđeniku obezbijediti izvršenje rada za opće dobro na slobodi kod drugog poslodavca.

#### Član 32

##### (Prigovor)

- (1) Osuđenik ima pravo prigovora predsjedniku Pravosudne komisije u vezi s podacima u ličnom listu, na program rada i izvještaj povjerenika, te na nepravilan odnos službenika Pravosudne komisije i povjerenika prema njemu za vrijeme rada za opće dobro na slobodi.
- (2) Službenik Pravosudne komisije i povjerenik su dužni prigovore zabilježiti u lični list i dostaviti ih predsjedniku Pravosudne komisije.
- (3) U roku ne dužem od osam dana od prijema prigovora, predsjednik Pravosudne komisije, dužan je saslušati osuđenika, službenika Pravosudne komisije i povjerenika i

utvrditi opravdanost prigovora, a u daljem roku od tri dana dužan je dati pismeno uputstvo za otklanjanje opravdanih razloga prigovora ili odrediti drugog službenika Pravosudne komisije ili povjerenika nadležnog za tog osuđenika.

## V – NADZOR

### Član 33

#### (Nadzor nad provođenjem pravilnika)

Nadzor nad provođenjem ovog pravilnika, nad izvršavanjem rada za opće dobro i nadzor nad radom povjerenika vrši Pravosudna komisija.

## VI - PRELAZNE I ZAVRŠNE ODREDBE

### Član 34

#### (Rokovi za izradu ostalih pravilnika Pravosudne komisije)

U roku od tri mjeseca od stupanja na snagu ovog Pravilnika, predsjednik Pravosudne komisije Brčko distrikta BiH donijet će:

- Pravilnik o izboru, načinu rada, odgovornosti, obučavanju i evidenciji povjerenika,
- Pravilnik o mjerilima za utvrđivanje naknade povjerenicima,
- Uputstvo o matičnoj knjizi i ličnom listu osuđenika.

### Član 35

#### (Ostale obaveze Pravosudne komisije)

U roku od 90 dana od dana donošenja ovog pravilnika, Pravosudna komisija dužna je:

- utvrditi listu poslodavaca koji ispunjavaju uslove za obavljanje rada za opće dobro na slobodi,
- zaključiti ugovore s poslodavcima u obavljanju rada za opće dobro na slobodi,
- imenovati povjerenike i
- organizovati obuku povjerenika.

### Član 36

#### (Obavještanje sudova Distrikta)

Pravosudna komisija obavještava sudove Distrikta, o mogućnosti izvršavanja rada za opće dobro, vrsti poslova za opće dobro na slobodi i broju osuđenika koji mogu izvršavati rad za opće dobro na slobodi.

### Član 37

#### (Stupanje na snagu)

Ovaj pravilnik stupa na snagu danom usvajanja i bit će objavljen u Službenom glasniku Brčko distrikta BiH.

Broj: SuPK-302/11  
Brčko, 31. 1. 2012. godine

**Predsjednik  
Pravosudne komisije  
Safet Pizović, s.r.**

## 24

Na osnovu člana 8. tačka c. stav 1. Zakona o željeznicama BiH ("Službeni glasnik BiH", br. 52/05), Regulatorni odbor željeznica BiH, donosi

## I N S T R U K C I J E

### za sigurnost i interoperabilnost željezničkog sistema

#### POGLAVLJE I UVODNE ODREDBE

### Član 1.

#### (Predmet Instrukcija)

Instrukcijom za sigurnost i interoperabilnost željezničkog sistema (u daljem tekstu: instrukcije) uređuje se razvoj i upravljanje sigurnošću željezničkog sistema na javnoj željezničkoj mreži i privatnoj željezničkoj mreži povezanoj sa javnom željezničkom mrežom, kao i druga pitanja značajna za

sigurno funkcionisanje željezničkog prijevoznog sistema u Bosni i Hercegovini.

### Član 2.

#### (Svrha i načini primjene)

Svrha ovih instrukcija je da, uvažavajući postojeće entitetske zakonske legislative vezane za sigurnost u željezničkom saobraćaju, odrede uvjete, norme, uputstva i metode radi osiguravanja održavanja postojećeg nivoa sigurnosti te poboljšanja i razvoja sigurnosti u željezničkom sistemu, slijedeći norme, principe, procedure, regulative, odluke, uredbe i direktive u skladu sa odredbama čl.2 Zakona o željeznicama BiH ("Službeni glasnik BiH", br. 52/05).

Ovi stavovi će se provesti djelovanjem i u pravcu poboljšanja pristupa željezničkom tržištu, na slijedeće načine:

- harmoniziranjem regulatornih struktura željezničkog sistema u BiH u skladu sa odredbama potpisanih međunarodnih Konvencija i Sporazuma sa ciljem poboljšanja sigurnosti željezničkog sistema u svom osnovnom djelovanju;
- definiranjem odgovornosti između učesnika u željezničkom saobraćaju;
- prenosom važećih zajedničkih sigurnosnih ciljeva (CSTs) i zajedničkih metoda sigurnosti (CSMs) od strane Regulatornog odbora željeznica BiH na željeznički sistem BiH, uz stalno djelovanje ka što većem harmoniziranju propisa;
- određivanjem nadležnosti organa za sigurnosne istrage nesreća i incidenta na željeznici;
- prijenosom usvojenih zajedničkih principa za upravljanje, reguliranje i nadzor sigurnosti u željezničkom saobraćaju od strane Regulatornog odbora željeznica BiH na željeznički sistem BiH;
- stvaranjem sopstvenih informacija o bitnim sigurnosnim i drugim pokazateljima, putem godišnjih izvještaja ( u skladu sa čl. 6 ove instrukcije).

### Član 3.

#### (Područje primjene)

- Instrukcije se primjenjuju na željeznički sistem BiH sa podsistemima za strukturalne i operativne oblasti i pokrivaju zahtjeve za sigurnost željezničkog sistema kao cjeline, uključujući:
  - upravljanje sigurnošću u infrastrukturi (koje se odnosi na javnu željezničku infrastrukturu i privatnu željezničku infrastrukturu koje su povezane sa javnom željezničkom infrastrukturuom),
  - funkcioniranje transporta kao interaktivno djelovanje između željezničkih poduzeća i upravitelja infrastrukture.
 Pri ovome se uvažava činjenično stanje postojanja integriranih entitetskih željezničkih kompanija i u njima razdvojeno upravljanje infrastrukturuom (upravitelji infrastrukture) od obavljanja javnog prijevoza (željeznički operateri).
- Instrukcije se ne odnose na željezničke mreže i vozila koje su funkcionalno odvojene od javnog željezničkog sistema.

### Član 4.

#### (Definicije)

U Instrukcijama se koriste slijedeće definicije:

- "**željeznički sistem**" označava ukupnost podsistema u strukturalnim i operativnim oblastima, kao i upravljanje i operativno funkcioniranje sistema kao cjeline;
- "**upravitelj infrastrukture**" je svako javno poduzeće ili kompanija koja je odgovorna za uspostavljanje i održavanje javne željezničke infrastrukture ili privatne željezničke infrastrukture povezane s javnom željezničkom infrastrukturuom;
- "**željeznički operater**" je svako javno preduzeće ili kompanija koja pruža usluge prevoza robe odnosno putnika željeznicom, pod uvjetom da ta kompanija osigurava i vuču vozova. Ovim pojmom obuhvaćene su i kompanije koje pružaju samo usluge vuče vozova;
- "**zajednički sigurnosni ciljevi (CSTs- common safety targets)**" označavaju minimalne nivoe sigurnosti koji moraju biti postignuti od strane različitih dijelova željezničkog sistema (kao što su konvencionalni željeznički sistem,